

**UGOVOR
O SUFINANSIRANJU ZAPOŠLJAVANJA PRIPRAVNIKA
VSS, VŠS, SSS I KV STRUČNE SPREME**

zaključen između :

1. Javne ustanove «Služba za zapošljavanje Kantona Sarajevo» - Sarajevo, Đoke Mazalića 3, koju zastupa Vahid Muharemović, direktor (u daljem tekstu: Služba) i
2. BRING-OUT d.o.o., Juraja Najtharta 3, Centar koju zastupa ovlaštena osoba Ernad Husremović, (u daljem tekstu: Poslodavac)

PREDMET UGOVORA

Član 1.

Ovim ugovorom regulišu se međusobna prava i obaveze Službe, kao davaoca sredstava i Poslodavca, kao korisnika sredstava, u cilju realizacije Programa sufinansiranja zapošljavanja pripravnika VSS, VŠS, SSS i KV sprema (u daljem tekstu: Program), u skladu sa Javnim pozivom objavljenim 09.03.2011. godine.

PRAVA I OBAVEZE UGOVORNIH STRANA

Član 2.

Poslodavac se obavezuje zaposliti **2 (DVIJE) osobe sa SSS**, bez radnog iskustva u struci, prijavljenu na evidenciju nezaposlenih u Kantonu Sarajevo, prije objavljenog Javnog poziva.

Član 3.

Sa osobom iz člana 2. ovog ugovora Poslodavac će zaključiti Ugovor o radu na puno radno vrijeme i to u trajanju od 12 mjeseci za VSS i VŠS i 6 mjeseci za SSS i KV stručnu spremu.

Poslodavac je obavezan, u roku od 30 dana od dana potpisivanja ovog ugovora dostaviti Službi tri primjerka Ugovora o radu iz prethodnog stava (jedan original i dvije fotokopije), fotokopiju obrasca JS 3100 (prijava osiguranja prethodno zaprimljena i ovjerena u Poreskoj upravi) i uvjerenje biroa za zapošljavanje za osobu iz člana 2. ovog ugovora.

Član 4.

Služba će na osnovu ovog ugovora Poslodavcu mjesečno refundirati novčana sredstva, u iznosu od 600 KM za VSS/VŠS i 500 KM za SSS/KV stručnu spremu u svrhu sufinansiranja troškova bruto plaće za angažovanu osobu iz člana 2. ovog ugovora.

Član 5.

Poslodavac zadržava pravo da na račun vlastitih sredstava, angažovanoj osobi iz člana 2. Ugovora, isplaćuje plaću u većem iznosu od ugovorenog.

Visina neto plaće za osobu iz člana 2. ovog ugovora definiše se Ugovorom o radu.

Član 6.

Poslodavac je dužan najdalje do 10-og dana tekućeg mjeseca, Službi dostaviti spisak i pojedinačne specifikacije isplate plaća za prethodni mjesec, nakon čega će Služba Poslodavcu doznačiti sredstva iz člana 4. ovog ugovora, a u vezi sa članom 2. Ugovora.

Član 7.

Poslodavac ne može otkazati Ugovor o radu iz člana 3. stav 1. ovog ugovora, niti vršiti zamjenu sufinansirane osobe bez prethodne saglasnosti Službe.

Član 8.

Ukoliko Poslodavac ne izvršava preuzete obaveze iz ovog ugovora, Služba će raskinuti Ugovor, a Poslodavac je obavezan u roku od 15 dana izvršiti povrat doznačenih sredstava.

Član 9.

Služba će pratiti provođenje ovog ugovora.

ZAVRŠNE ODREDBE

Član 10.

Potpisivanjem od strane Službe i Poslodavca, potvrđuje se da su obje strane upoznate sa sadržajem ovog ugovora.

Član 11.

U slučaju spora u vezi sa izvršavanjem, isti će se rješavati sporazumno.

Ukoliko se sporazum o rješavanju eventualnih sporova ne postigne, za rješavanje spora po ovom ugovoru nadležan je sud u Sarajevu.

Član 12.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Javna ustanova
«Služba za zapošljavanje Kantona Sarajevo»
- Sarajevo
DIREKTOR



Vahid Muharemović



BRING-OUT d.o.o.
OVLAŠTENA OSOBA

Ernad Husremović

Broj: 04/2-34-524-pr/11
Sarajevo, _____

Broj: _____
Sarajevo, _____